

《中國地方藝文薈萃》編委會 編

學苑出版社

中國地方藝文薈萃

華東卷·第十一輯 伍

華東卷·第十一輯
伍

中國地方藝文薈萃

《中國地方藝文薈萃》編委會 編

德州师范学院内部使用

國朝金陵詩徵四十八卷（三）

貴州师范学院内部使用

國朝金陵詩徵四十八卷（三）

（清）朱緒曾編

據清光緒十三年（一八八七）刻本影印

國朝金陵詩徵卷十六

上元朱緒曾編

徐元肅

元肅字括庵初名徵肅字夢符上元人佩次子雍正

甲辰舉人官浙江孝豐太平知縣玉環同知署台州

知府詩文淵懿書法峻整宰太平日創明王修撰禱

祠堂旌金承華妻鄭氏節烈以勵風俗有古歡齋詩

稿求志集茗南集台南集北行紀程金陵文徵誤為

志不載歷官今據朱淨私所撰墓誌銘徐東田所作

傳及本集以正其誤袁子才與括庵從兄東田同年

宰江甯時習知括庵蓋

行故江甯邑志有傳浙學使聘衡文考温州僧舍有明

括庵父佩字子遂崩尸露鼠殘其目惻然為營葬

授僧錢歲時祀之是夜夢紅袍人拜謝而去越二年

方坐庭中玩書恍惚見紅袍人入其內寢而去而妻

一

曹氏生子爰名曰徵肅字夢符夢符晚年亦艱於視
從兄孝常東田載其事於子璩傳中子五葆孫會昌
祖命繩祖祖
澤能世其家

感懷

振羽海東溟風浪不可測綿綿小固嶺晝雨城郭黑危檣集
飛燕江邨正寒食越井泉正新吳榆火方革野花誰家墳附
木發殊色求魚競獺祭噉肉祇雞肋讀律與讀書同學俱異
國投荒有古人儋耳得蘇軾

夙昔夢天姥雞鳴日過午言尋古太乙羣山如列杵江聲涌
海門潮汐急鐘鼓月黑巨魚風日冷孤城雨生男長幾何所
恨不懷祖娶婦向異鄉但能作吳語春熱草蟲飛難燭照院
宇契闊成參商勇怯兼虎鼠去時梓樹旁登塔望何許

昆蟲有寄居草木有寄生南方見多怪無著各有營同根兩

柏樹分栽何所成，蔦蘿不相附。孤立勢自傾，食魚莫破腹。恐致眾子傷，彈雀更去巢。將令存者妨，箭多不易折。古訓豈遂忘。

春雲生大澤，伏蛇動陰壑。野鶴知天風，方向識乾鵠。我來跨俗居，尤厭茲儂薄。蠶火及穀雨，放舟涉近郭。種蔗角殷殷，拔蝗水橐橐。越女色殊絕，嫁時腰尙弱。蠻村鴉柏林，高髻倚紅閣。客行無所歡，此日不如昨。請看無鹽子，日暮赤雙腳。積實可爲糧，猶有翳桑餓。柘絲可製錦，不無土室臥江東。歲頻歉，憂思常夜坐。白鹽海市西，怪魚集蠻貨。陰陰對竹山，福地絕徑過。時有迎神曲，繁音先入破。

禽言三首

東坡先生傲梅聖俞作禽言，忠厚排側爲千古絕唱。蓋黃州謫居之後也。余自荅南移宰

海濱非有遷逐之感，而隨境抒情，亦得三首。冀覽者有以鑒其衷，察其遇焉。爾。

姑惡姑惡姑惟易嗔姑不惡大婦調銀箏中婦進金爵堂上
安坐姑心樂小婦未諳姑性情日織機絲垂簾幕姑言新婦
織作遲織作果遲姑不惡

行不得也哥哥泥深軸折勞如之何峻不獨太行山險不獨
瀕灩波鴻自高飛弋者有羅潯陽漁父負高蹈相忘爲樂理
則那

得過且過勤不如惰巧不如拙強不如懦壯懷遍遊名山川
不如寂歷堂中坐高歌一曲無人和得過且過

懷袖吟示範兒

未必高明地居然紈綺身難於忘世態卽此媿先人晚食青
菘美秋風大布親此中饒趣味領取自津津

過句曲

初晴寒日照新泥曉市城東直過西舊識土音聽便慣曾經
門巷認多迷青衫往矣情偏切華髮蕭然意轉低太息故人
今宿草南遷孫子其肩齊

聞外舅盧言絲先生南返喜作

名景綸康熙辛卯貢生

二頃田仍舊三間屋尙存儘堪娛老興端足長兒孫白社詩
思瘦青山經術尊從茲閒處樂伏臘薦雞豚

入剡

乘風搖艇溯江濱百里溪流一櫂分舊識名山驚客老遙傳
幽鳥帶潮聞層灘得月全如雪積翠浮春半是雲四十九年
緣底事金庭何處覓仙羣

王之佩

之佩字恭庵一字紳玉上元庠生

訪徐半石因至白季子洗硯齋

爲訪南州士因過履道堂論詩風滿座展卷墨生香小飲成
幽趣高談愛老蒼何時攜雪絹來試墨飛揚

李發

發字蹊成一字北山上元人

贈劉蒼雪

詩滿奚囊酒滿尊蒼巖細律友茶村文孫今日能繩祖杜甫
風流學審言

徐駟

駟字玉乘江甯人

景公祠

天闕動搖地軸折乾坤付與半邊月削平六國家令謀禍激

淮南消不得漁陽烽火照征衣燕子高飛入帝畿君王遜野
后妃死殺運未除人民稀忠臣一旦誅方練滿目萑宏血如
霰漆身吞炭獨何人猶自委蛇侍金殿竭來一任旁觀疑袖
中匕首光離離荆軻豈復用生劫豫讓原拌以死隨靈臺舞
蹈來朝奏一片苦心全逗漏風寒殿角動緋衣雲擁城頭昏
白晝龍顏沮喪虎衛奔九原尙不忘重闈天上有星侵御座
人閒無地葬英魂精靈一去成千古叔姪興亡兩黃土君看
岑寂榆木川何如雨花廟貌觀如堵

汪度

度字南莊一字芳留江甯庠生嘗修安石梁人稱義

舉南莊兄基字方潮庠生孝友篤行著三禮四書講義

景忠烈祠

失守金川主已奔委蛇觀變受新恩緋衣有恨占星象利匕
無靈犯帝闈不信皮囊伸正氣卻教玉闕避忠魂未知碧血
埋何處祇見岡頭綽楔存

鄭蘭

蘭字猗園江甯人簞之子自稱墨稼主人

南郊小集

長干南接越臺陲好景邀人到處宜夜月青山彈指閣秋風
黃葉剖心祠仙鄉寂靜消棋局醉墨淋漓覆酒卮何必向平
尋五嶽但能著屐便吟詩

施復孫

復孫江甯人儻居南郭性孤僻見人卽避自署其門
云酒熟但招爲圃客花開怕有問津人

幽居

難得幽花滿樹開
花前負手獨徘徊
亦思置酒淹今日
只覺無人共此杯
靜愛嬾雲依嶺住
徐看飢雀下簷來
不教俗駕輕相過
護惜青青一片苔

馬秉肅

秉肅字景穆一字秋堂上元人

舟中臥病述懷

萍梗無定蹤飄泊隨所之花落任風吹委地遇溷池人生何不然我命尤艱危貧賤安足言惟歎年衰遲書劒走萬里邛夔曾西馳今復到閩海遠赴我友期長江波浩浩臥病舟前移夙性愛山水已歷岷峨奇吳江入錢塘秀色尤心怡飽看越中山所欲無乃癡緣此天翁忌病骨日支離予生本達觀

一切可捐遺死生素不畏此際甯頽靡鼠肝與蟲臂變幻隨
其爲明月入我懷光映如琉璃且起推蓬窗俯玩江瀾瀾

過延平

舟過南平郭家家水半扉江環諸郡合城險眾峰圍人聽侏
儒語禽看白練飛延津詢劍迹龍化想應歸

趙松年

松年字岱青上元人

草書歌贈白季子

古今書法變不一漢秦魏晉升降極趨易畏難人情然世運
於茲亦可識眞書伊始篆籀亡考核之輩無由覓但憑耳論
不憑眸爭教口舌雌黃力草書盛與眞書同眞書那似草書
雄毫毛譌舛便涉陋轉愁腕下快於風遲留復嫌狀苦瀆心

細力健始言工香山白氏頗強爲寢食義獻心手追精神魄
命俱會此爲雷電怒風雨馳如龍如蛇走素幅盈分盈尺各
攸宜偃臥屈鐵就規畫豈比野狐徒取嗤想君落筆真無敵
端然博古能入室翻笑張顛醉後佳安得酩酊忘朝夕中書
君端溪石筆秃硯穿非一日張子家修與我好我因家修識
君早孝友堂前無閒言筆墨餘事又可掃四十年閒會聚稀
時從屏幃揣丰姿坐觀臥看同覩面浩氣拂拂逼鬢眉吁嗟
前後香山各有時千秋風雅名相隨

彭元琦

元琦字畏瑕六合人

秋夕蘆溝橋送友之肅州

爽然向夕聚河梁岐路逢秋倍感傷漫野蘆將凋玉露抱香

菊亦澹清霜相思此後同明月惆悵當前各異鄉君發西陲
余北往蕭蕭金氣易生涼

王汝霖

汝霖溧水人

望玉山

孤峰特出透冥濛蘊璞當年望不空雲外鐘聲仙路近雨中
花落法筵通石湖積水同黃海芝岫浮烟繞絳宮獨坐低徊
堪永日此閒何必減崆峒

金芝

芝字維藩上元人

請總督查彌納以明鼓鑄局建鐘山書院在錢殿橋側因起麗囑樓

以藏經史輯鍾山書院志八卷

卞公祠在冶城觀側